

**Cofnodion Cyfarfod o PWYLLGOR CYDLYNU TROSOLWIG A CHRAFFU  
a gynhaliwyd yn ddydd Dydd Mercher, 1 Rhagfyr 2021**

**PRESENNOL:** Cynghorydd Rowland Rees-Evans (Cadeirydd), Cynghorwyr Elaine Evans (Is-Gadeirydd), Bryan Davies, Marc Davies, Lyndon Lloyd MBE, Dan Potter, Mark Strong a Ivor Williams

**HEFYD YN BRESENNOL:** Y Cynghorwyr Ellen ap Gwynn, (Arweinydd y Cyngor) a'r Cynghorwyr Rhodri Evans, Gareth Lloyd, Alun Williams a Catrin Miles (Aelodau Cabinet)

**SWYDDOGION YN BRESENNOL:** Michael Smith, Swyddog Ymgysylltu a Chydraddoldeb; Diana Davies, Rheolwr Corfforaethol, Partneriaeth a Pherfformiad; Cathryn Morgan, Rheolwr y Bwrdd Gwasanaethau Cyhoeddus; Elin Prysor, Swyddog Monitro a'r Swyddog Arweiniol Corfforaethol, Cyfreithiol a Llywodraethu; Elizabeth Upcott, Rheolwr Tîm, Amddiffyn Oedolion; Rob Starr, Rheolwr Perfformiad ac Ymchwil; Caitlin Theodorou, Swyddog Ymchwil a Pherfformiad; Mari Hopkins, Cynorthwydd Ymchwil a Pherfformiad; Lisa Evans, Swyddog Safonau a Chraffu; Dwynwen Jones, Swyddog Cefnogi Trosolwig a Chraffu; Rhidian Jones a Llinos Williams, Cyfieithwyr.

(10.00 am - 12.02 pm)

**37 Ymddiheuriadau**

Ymddiheurodd y Cynghorydd Wyn Thomas a'r Cynghorydd Elizabeth Evans (sylwedydd i'r Pwyllgor yn rhinwedd ei rôl fel Cadeirydd y Pwyllgor Archwilio) am na fedrent ddod i'r cyfarfod.

**38 Datgelu buddiant personol (gan gynnwys datganiadau chwipio)  
Atgoffir aelodau am eu cyfrifoldeb personol yn datgan unrhyw fudd personol a budd sydd yn rhagfarnu yn gysylltiedig â materion a gynhwysir yn yr agenda hwn yn unol â darpariaethau Deddf Llywodraeth Leol 2000, Cyfansoddiad y Cyngor a Chod Ymddygiad Aelodau. Yn ogystal, mae'n rhaid i Aelodau ddatgan unrhyw chwip plaid gwaharddedig a roddwyd ar Aelod yng nghyswllt y cyfarfod yn ôl Mesur Llywodraeth Leol (Cymru) 2011.**

Ni ddatgelwyd dim buddiannau personol na buddiannau a oedd yn rhagfarnu.

**39 Diweddariad ar weithredu elfen Dyletswydd economaidd-gymdeithasol (DEG) Deddf Cydraddoldeb 2010 yn y broses o wneud penderfyniadau strategol..**

Rhoddodd Michael Smith, y Swyddog Ymgysylltu a Chydraddoldeb, ddiweddariad am y cynnydd a oedd wedi'i wneud o ran gweithredu dyletswydd economaidd-gymdeithasol Deddf Cydraddoldeb 2010.

Dywedodd wrth Aelodau'r Pwyllgor fod yr hyn a nodir isod wedi'i gwblhau er mwyn codi ymwybyddiaeth a gweithredu'r ddyletswydd economaidd-gymdeithasol yn y broses o wneud penderfyniadau strategol.

- Diwygiwyd ein templed a'n canllawiau Asesiad Effaith Integredig (AEI) i gynnwys y ddyletswydd economaidd-gymdeithasol.
- Bellach mae ar y templed AEI dri chwestiwn am y ddyletswydd economaidd-gymdeithasol:
  1. Pa dystiolaeth sydd gennych am anfantais economaidd-gymdeithasol ac anghydraddoldebau'r canlyniad mewn perthynas â'r cynnig? Disgrifiwch paham fydd ganddo effaith bositif / negyddol neu effaith ddibwys.
  2. Pa dystiolaeth sydd gennych i gefnogi'r farn hon?
  3. Pa gamau y gallwch chi eu cymryd i liniaru unrhyw effaith negyddol neu gyfrannu'n well i effaith bositif?
- Diweddarwyd canllawiau a thempled yr AEI ar Cerinet. Caiff pob adroddiad Cabinet yn ogystal â'r AEI eu gwirio gan y Swyddog Ymgysylltu a Chydraddoldeb. Trwy hynny, gellir sicrhau bod pob AEI o safon dderbyniol. Darperir adborth i'r Swyddogion Arweiniol Corfforaethol drwy'r Swyddog Arweiniol Corfforaethol Polisi, Perfformiad ac Amddiffyn y Cyhoedd. Bydd hyn yn cynnwys asesu cynnwys y ddyletswydd economaidd-gymdeithasol ac unrhyw AEI. Yn y pen draw bydd y penderfyniad terfynol a'r cyfrifoldeb am AEI o dan y Swyddog Arweiniol Corfforaethol perthnasol.
- Hysbyswyd y Gweithgor Cydraddoldeb Corfforaethol a'i gynnwys yn y gwaith o gychwyn ar y ddyletswydd economaidd-gymdeithasol a diwygio ein prosesau AEI.
- Cafodd Gweithdy i'r Rheolwyr Corfforaethol gyflwyniad ar y ddyletswydd economaidd-gymdeithasol ar 28/5/21.
- Cynhaliwyd gweithdy i'r Aelodau ar y ddyletswydd economaidd-gymdeithasol ar 13/10/21.
- Mae ein hyfforddiant Cydraddoldeb a'n cwrs e-ddysgu wedi eu diwygio i gynnwys y ddyletswydd economaidd-gymdeithasol. Mae gwaith ar y gweill i ddarparu data am anfantais economaidd-gymdeithasol er mwyn cyfrannu at y gwaith o gwblhau'r Asesiadau;
- Caiff datblygiadau ar y Ddyletswydd economaidd-gymdeithasol eu cynnwys yn Adroddiad Monitro Blynyddol y Cynllun Cydraddoldeb Strategol 2021-22 a chaiff yr adroddiad ei gyhoeddi ar ein gwefan gorfforaethol.

Rhoddwyd y cyfle i'r Aelodau ofyn cwestiynau ac atebwyd y cwestiynau hynny yn eu tro gan y Swyddogion. Cododd un o'r Aelodau bryder ynghylch tlodi yn y sir ymhlith pobl hŷn a'r rheiny sy'n dioddef yn gorfforol ac yn feddyliol. Cadarnhaodd y Swyddog nad oedd tlodi yn cael ei ystyried yn nodwedd warchoddedig. Serch hynny, roedd yr effaith ar bobl anabl, yr henoed ayyb yn cael ei hystyried. Hefyd, cadarnhaodd yr Arweinydd fod Grŵp Tlodi'r Bwrdd Gwasanaethau Cyhoeddus wedi datblygu Strategaeth Caledi yn ddiweddar a'i bod wedi'i chyflwyno i'r Pwyllgor Trosolwg a Chraffu Adnoddau Corfforaethol ar 14 Hydref 2021 a'r Cabinet ar 2 Tachwedd 2021.

Ar ôl trafodaeth, cytunodd yr Aelodau i dderbyn y diweddiariad ynglŷn â'r cynnydd a oedd wedi'i wneud o ran gweithredu'r ddyletswydd economaidd-gymdeithasol.

Diolchodd y Cadeirydd i Michael Smith am y wybodaeth a dymunodd yn dda iddo yn ei rôl newydd.

**40 Adroddiad ar Gofnod o Benderfyniadau'r Grŵp Rheoli Aur Covid-19**

Daeth Elin Prysor i'r cyfarfod i gyflwyno adroddiad am Gofnod Penderfyniadau'r Grŵp Rheoli Aur Covid-19. Cyflwynwyd yr adroddiadau blaenorol ar 20 Ionawr 2021 a 16 Mehefin 2021. Cafodd y Cofnod Penderfyniadau ar gyfer y penderfyniadau a wnaed rhwng 4 Mai 2021 a 31 Awst 2021 ei gynnwys yn yr adroddiad hwn ac roedd wedi'i gyhoeddi ar wefan y Cyngor.

Yn ystod y drafodaeth, gofynnodd un o'r Aelodau paham fod y wybodaeth dim ond yn ymwneud â'r cyfnod hyd at fis Awst 2021. Cadarnhaodd y Swyddog fod y cofnod i'w weld yn gyhoeddus ar wefan y Cyngor. Fodd bynnag, cytunodd y Swyddog y dylai gael ei ddiweddarau'n gyson a dywedodd y byddai'n sicrhau bod diweddariad misol yn cael ei ddangos yn y dyfodol.

Yn dilyn cwestiwn am bwerau dirprwyedig dros dro, cadarnhawyd bod y bwerau hynny wedi dod i ben ar 31 Awst 2021. Serch hynny, roedd y Grŵp Rheoli Aur yn parhau i gwrdd o dan Ddeddf Argyfyngau Sifil 2004.

Yn dilyn trafodaeth, cytunodd yr Aelodau i nodi cynnwys Cofnod Penderfyniadau cyfarfodydd Grŵp Rheoli Aur Covid-19 y Grŵp Arweiniol er mwyn monitro'r modd yr oedd trefniadau gwneud penderfyniadau'r Cyngor yn cael ei lywodraethu ar ôl i'r trefniadau hynny gael eu haddasu.

Diolchodd y Cadeirydd i Elin Prysor am yr adroddiad.

**41 Adroddiad Diogelu Grŵp Gweithredol Lleol ar y Cyd CYSUR/CWMPAS Chwarter 1 2021/22**

Daeth Elizabeth Upcott i'r cyfarfod i gyflwyno Adroddiad Diogelu Grŵp Gweithredol Lleol ar y Cyd CYSUR/CWMPAS ar gyfer Chwarter 1 2021/22, 2021/2022. Bu iddi amlinellu crynodeb o'r prif bwyntiau fel a ganlyn:

- Roedd tipyn o gynnydd yn nifer yr adroddiadau diogelu plant o'i gymharu â'r chwarter blaenorol a arweiniodd at Drafodaethau Strategaeth/Cyfarfodydd Strategaeth Amddiffyn Plant, 99 o adroddiadau yn Chwarter 4 o'i gymharu â 116 yn Chwarter 1. Mae hwn yn gynnydd sylweddol o'r un chwarter y flwyddyn flaenorol pan gafwyd 85 o adroddiadau a aeth ymlaen i drafodaeth strategaeth/cyfarfod strategaeth. Gyda'r cyfyngiadau'n cael eu llacio a'r ysgolion yn ailagor cafwyd twf yn nifer yr adroddiadau a dderbyniwyd ar ôl i lefelau adrodd leihau yn ystod y cyfnod clo.
- Cynhaliwyd 18 o Gynadleddau Cychwynnol Amddiffyn Plant yn ystod y chwarter hwn o'i gymharu â 9 yn y chwarter blaenorol, sef Chwarter 4.
- Cyfanswm y plant a gafodd eu rhoi ar y Gofrestr Amddiffyn Plant yn dilyn Cynadleddau Cychwynnol oedd 18 yn y chwarter hwn, o'i gymharu â 7 yn ystod y chwarter blaenorol.
- Unwaith eto yr heddlu oedd y brif asiantaeth atgyfeirio yn y chwarter hwn wedi'i ddilyn gan staff Addysg ac yna staff y

Gwasanaethau Cymdeithasol. Mae hyn yn dilyn yr un patrwm â Chwarter 4.

- Y pryderon mwyaf a arweiniodd at gwblhau ymholiadau amddiffyn plant oedd honiadau o gam-drin/camfanteisio'n rhywiol (25) a cham-drin corfforol (24). Yn Chwarter 4 y prif gategorïau o gam-drin a gafodd eu hadrodd oedd cam-drin corfforol (17) a cham-drin rhywiol (16).
- Roedd y cynadleddau cychwynnol amddiffyn plant a gynhaliwyd yn ystod y chwarter hwn wedi dyblu o'r chwarter blaenorol. Cynhaliwyd 94.4% o'r cynadleddau cychwynnol o fewn yr amserlenni.
- Cynhaliwyd cyfanswm o 12 o Gynadleddau Adolygu Amddiffyn Plant yn ystod y chwarter hwn. Roedd y rhain ar gyfer cyfanswm o 24 o blant o 12 teulu. O ganlyniad i'r cynadleddau adolygu roedd 7 plentyn wedi parhau ar y gofrestr a chafodd 17 o blant eu dileu o'r Gofrestr Amddiffyn Plant. O'r nifer y plant a gafodd eu dileu o'r gofrestr, roedd 16 o blant yn parhau i fod yn destun Cynllun Plentyn sydd Angen Gofal a Chymorth.
- Mewn 95% o'r cynadleddau a gynhaliwyd roedd o leiaf un aelod o'r teulu sydd â Chyfrifoldeb Rhieni yn bresennol yn y gynhadledd, ac mewn 90% o'r cynadleddau a gynhaliwyd cafodd barn y plentyn ei chynrychioli.
- Y prif ffactorau risg i blant a gafodd eu cofnodi o'r cynadleddau oedd cam-drin domestig, rhieni ddim yn cydweithredu â Chynllun Amddiffyn Plant, rhieni'n gwahanu, ac anawsterau iechyd meddwl rhieni.
- Roedd nifer y plant ar y Gofrestr Amddiffyn Plant yn gyson â'r chwarter blaenorol. Fodd bynnag, cafodd 17 o blant eu datgofrestru a chafodd 18 o blant eraill eu cofrestru yn y Gynhadledd Gychwynnol Amddiffyn Plant.

Yn dilyn cwestiwn ynglŷn â chapasiti'r staff, cadarnhawyd bod yna swyddi gwag oedd angen eu llenwi. Serch hynny, roedd holl ofynion y gwaith statudol yn cael eu bodloni ac roedd y staff yn parhau i weithio'n ddiflino yn y gwasanaeth hwn. Roedd gwaith partneriaeth yn allweddol. Er enghraifft, roedd Swyddogion Cyswllt yr Heddlu wedi'u neilltuo i bob ysgol yng Ngheredigion ac roedd galw am eu cefnogaeth yn rheolaidd.

Codwyd pryder ynghylch y cynnydd mewn atgyfeiriadau Amddiffyn Plant a chadarnhaodd y Swyddog fod Gweithwyr Cymdeithasol wedi parhau i gynnal ymweliadau hanfodol ar gyfer y teuluoedd hynny lle'r oedd y plant ar y Gofrestr Amddiffyn Plant hyd yn oed yn ystod y cyfnod clo, gan gadw at ganllawiau Covid. Dywedodd un o'r Aelodau wrth y Pwyllgor ei fod yn ymwybodol o athrawon a oedd yn ymweld â chartrefi teuluoedd y plant yn ystod y cyfnod clo i ddarparu gwaith cartref i'r plentyn fel ffordd o fonitro'r plant hynny a oedd ar y Gofrestr Amddiffyn Plant.

Cadarnhaodd y Cynghorydd Alun Williams, yr Aelod Cabinet, fod recriwtio staff yn fater o bryder a bod Staff Asiantaeth yn cael eu cyflogi i gynorthwyo. Dywedodd hefyd fod nifer yr atgyfeiriadau lefel uchel hefyd yn fater o bryder. Ychwanegodd ei fod hefyd o'r farn fod cyllideb sylfaenol y Gwasanaethau

Cymdeithasol yn rhy isel i fodloni'r dyletswyddau statudol. Diolchodd i'r Swyddogion / Staff am eu gwaith caled parhaus.

Yn dilyn trafodaeth, cytunodd yr Aelodau i nodi cynnwys yr adroddiad a'r lefel o weithgarwch o fewn yr Awdurdod Lleol fel bod trefniadau llywodraethu gweithgarwch yr Awdurdod Lleol ac asiantaethau sy'n bartneriaid yn cael eu monitro.

Nodwyd bod gan ddiogelu statws coch ar hyn o bryd ar Gofrestr Risgiau'r Awdurdod.

Diolchodd y Cadeirydd i Elizabeth Upcott am gyflwyno'r wybodaeth a gofynnodd iddi ddiolch i'r Staff am eu hymdrechion parhaus.

**42 Adroddiad Blynyddol Trosolwg a Chraffu 2020/2021**

Cyflwynodd Lisa Evans Adroddiad Blynyddol Trosolwg a Chraffu 2020/2021. Cytunodd yr Aelodau i nodi'r cynnwys cyn i'r adroddiad gael ei gyflwyno gerbron y Cyngor Llawn ar 9 Rhagfyr 2021.

**43 Hunanwerthuso'r trefniadau craffu**

Cyflwynodd Lisa Evans adroddiad ynghylch hunanwerthuso'r trefniadau craffu. Yng nghyfarfod Pwyllgor y Gwasanaethau Democrataidd a gynhaliwyd ar 23 Chwefror 2018, cytunwyd y byddai'r Swyddogion Craffu yn cynnal adolygiad o effeithiolrwydd y trefniadau Trosolwg a Chraffu yng Nghyngor Sir Ceredigion ac y byddai hyn yn cael ei wneud bob blwyddyn yn y dyfodol.

Yng nghyfarfod y Pwyllgor Gwasanaethau Democrataidd a gynhaliwyd ar 27 Ionawr 2020, penderfynwyd gwneud y canlynol:

1. Parhau i gynnal yr arolwg yn flynyddol;
2. Lleihau nifer y cwestiynau gyda'r nod o gynyddu cyfranogiad;
3. Adolygu fformat yr adroddiad, cyfuno'r ymatebion Cymraeg a Saesneg, a chyfieithu'r ddogfen yn ei chyfanrwydd.

Cafwyd cyfanswm o 15 o ymatebion. Roedd hyn yn ostyngiad o'i gymharu â'r 25 o ymatebion a dderbyniwyd yn 2020. Roedd rhai aelodau wedi ymateb ar-lein a rhai wedi ymateb drwy'r post. Ni ddatgelwyd enwau'r Aelodau.

Gofynnwyd i'r Aelodau ystyried yr ymatebion a ddaeth i law o'r holiadur ynghylch hunanwerthuso'r trefniadau craffu a nodi unrhyw feysydd i'w gwella.

Yn dilyn trafodaeth, cytunwyd i nodi'r ymatebion a ddaeth i law.

**44 Cyfarfod Bwrdd Gwasanaethau Cyhoeddus (PSB) Ceredigion a gynhaliwyd ar 17 Medi 2021 a'r Asesiad o Lesiant Lleol Drafft**

Cyflwynodd Cathryn Morgan gofnodion cyfarfod Bwrdd Gwasanaethau Cyhoeddus Ceredigion a gynhaliwyd ar 17 Medi 2021.

Cyflwynodd Rob Starr a Caitlin Theodorou yr Asesiad Drafft o Lesiant Lleol. Dywedodd Rob Starr wrth Aelodau'r Pwyllgor fod yr Asesiad drafft o Lesiant

Lleol wedi'i baratoi er mwyn cyfrannu at y gwaith o baratoi Cynllun Llesiant Lleol Ceredigion 2023-28. Byddai'r Cynllun yn nodi sut y byddai'r Bwrdd Gwasanaethau Cyhoeddus yn gwella llesiant Ceredigion a'i chymunedau dros y 5 mlynedd nesaf gan amlinellu'r hyn sy'n bwysig i'r bobl a'r cymunedau yng Ngheredigion. Roedd y Bwrdd Gwasanaethau Cyhoeddus wedi cymeradwyo'r asesiad drafft fel y gellid ymgynghori yn ei gylich ac roedd y Bwrdd ar y trywydd iawn i gyhoeddi'r Asesiad terfynol ym mis Mawrth 2022.

Ar ôl hynny, amlinellodd Rob Starr a Caitlin Theodorou y prif themâu a chanfyddiadau hyd yma a oedd fel a ganlyn:

- Digideiddio – adroddwyd bod hon yn flaenoriaeth uchel, yn fwy felly gan fod mwy o bobl bellach yn gweithio o gartref ac o bell;
- Fforddiadwyedd tai – adroddwyd bod hyn yn flaenoriaeth uchel, yn fwy felly gan fod prisiau tai wedi cynyddu yn ystod y pandemig;
- Tlodi (tlodi mewn gwaith a thlodi plant) – Ceredigion welodd yr ail gynnydd uchaf mewn tlodi plant yng Nghymru ac felly roedd angen monitro hyn yn ofalus;
- Newid yn y boblogaeth – bu gostyngiad yn nifer y bobl sydd yn yr oedran gweithio a chynnydd yn nifer y bobl hŷn. Gallai hyn arwain at fwy o anghenion cymhleth a phwysau ar ein gwasanaethau iechyd a gofal cymdeithasol;
- Yr Amgylchedd – roedd newid hinsawdd a diogelu'r amgylchedd yn bwysig, yn enwedig i blant;
- Anghenion iechyd y dyfodol – Nodwyd y byddai cael gwasanaethau hamdden o ansawdd gwell a sicrhau gwell mynediad iddynt yn cynorthwyo lles ac iechyd meddwl yr unigolyn;
- Rôl diwylliant – nodwyd bod hyn yn bwysig er y cafwyd gostyngiad yn nifer y bobl sy'n cymryd rhan mewn gweithgareddau celfyddydol a threftadaethol ychydig cyn pandemig COVID-19. Serch hynny, roedd canlyniadau'r ymgysylltu yn dangos tystiolaeth bod unigolion yn gwerthfawrogi'n fawr rôl diwylliant yn eu bywydau;
- Y Gymraeg – roedd y dystiolaeth yn dangos bod nifer y siaradwyr Cymraeg yn y Sir yn parhau i gynyddu.

Aeth Caitlin Theodorou yn ei blaen i esbonio camau nesaf y broses hon:

- Cyfnod ymgynghori – 8 wythnos (disgwyl iddo ddechrau'n fuan iawn);
- Ymgynghoriad i barhau tan Ionawr 2022;
- Gofyn i bawb roi adborth ac ymateb;
- Cyflwyno'r Asesiad Terfynol i'r Bwrdd Gwasanaethau Cyhoeddus ar 7 Mawrth 2022.

Wrth ymateb i gwestiynau a phryderon yr Aelodau, yn benodol y pryderon ynghylch tlodi a thai, cadarnhawyd bod angen gwneud rhagor o waith ymchwil cyn cwblhau'r ddogfen.

Yn dilyn trafodaeth, cytunodd yr Aelodau i'r argymhellion canlynol:

1. Derbyn cofnodion drafft cyfarfod Bwrdd Gwasanaethau Cyhoeddus Ceredigion a gynhaliwyd ar 17 Medi 2021; a
2. Derbyn yr Aseiad drafft o Lesiant Lleol sy'n destun ymgynghoriad cyhoeddus ar hyn o bryd.

Diolchodd y Cadeirydd i Diana, Rob, Caitlin, Mari ac Arweinydd y Cyngor am yr adroddiad manwl.

- 45 Diweddariad gan Gadeiryddion y Pwyllgorau Trosolwg a Chraffu ac ystyried y Blaenraglenni Gwaith drafft**  
Darparodd Cadeiryddion pob Pwyllgor wybodaeth yn eu tro am y Pwyllgor Trosolwg a Chraffu y maen nhw'n eu cadeirio.

Cytunwyd i gynnwys Strydlun ar flaengynllun gwaith y Pwyllgor Trosolwg a Chraffu Cymunedau Ffyniannus fel y gellid trafod rhwystrau ar balmentydd.

- 46 Cadarnhau Cofnodion Cyfarfod Pwyllgor Trosolwg a Chraffu Cyd-lynu a gynhaliwyd ar 15 Medi 2021 ac ystyried unrhyw faterion yn codi o'r Cofnodion hynny**  
Cadarnhawyd cofnodion cyfarfod y Pwyllgor Cydlynu Trosolwg a Chraffu a gynhaliwyd ar 15 Medi 2021 yn rhai cywir.

Tynnodd y Cadeirydd sylw'r Pwyllgor at gofnod 29 ar dudalen 2 sef 'Cofnodion cyfarfod Bwrdd Gwasanaethau Cyhoeddus Ceredigion a gynhaliwyd ar 12 Gorffennaf 2021 ac Adroddiad Blynyddol Cynllun Llesiant Lleol Ceredigion 2020-2021'. Dywedodd fod Aelod o'r Pwyllgor wedi codi pryderon ym mharagraff 2 a 3 gan ofyn i'r Cadeirydd godi'r pryderon hynny yng nghyfarfod y Bwrdd Gwasanaethau Cyhoeddus. Cadarnhaodd y Cynghorydd Rees-Evans ei fod wedi codi'r pryderon hynny.

- 47 Unrhyw fater arall y penderfyna'r Cadeirydd ei fod er sylw brys y Pwyllgor**  
Ni chodwyd unrhyw fater.

Diolchodd y Cadeirydd, y Cynghorydd Rowland Rees-Evans, i Aelodau'r Pwyllgor am ddod i'r cyfarfod ac i'r Swyddogion ac Aelodau'r Cabinet am gyflwyno'r wybodaeth. Diolchodd i bob swyddog a fu'n rhan o'r cyfarfod am sicrhau bod y cyfarfod wedi rhedeg yn rhwydd.

**Cadarnhawyd yng Nghyfarfod y Pwyllgor Cydlynu Trosolwg a Chraffu a gynhaliwyd ar Dydd Iau, 10 Chwefror 2022**

Cadeirydd: \_\_\_\_\_

Dyddiad: \_\_\_\_\_